

5

95

# D E R E F O R: M A T I O N E E C C L E S I A E.

SVASORIA. R. P. D. ZACHARIAE FERRERIE

Vicentini Pontificis Gardien. Faentina & Vallis Ha-  
monis gubernatoris dudum missa ad Beatiss.

Patrem Hadrianum. V I. Pontificem

Maximum. Et inscribitur, Tu

es qui venturus es, an

alium expecta-

mus?

& non respexit



Beatus vir cuius est Dominus spes eius,



in vanitates, & infanias falsas.

V E N E T I I S,  
Ad Signum Spei. M D LII.



THE  
JOURNAL  
OF THE  
ROYAL ANTHROPOLOGICAL INSTITUTE

VOL. LXXV. PART I. 1945

CONTENTS

THE  
JOURNAL  
OF THE  
ROYAL ANTHROPOLOGICAL INSTITUTE

VOL. LXXV. PART I. 1945

CONTENTS

THE  
JOURNAL  
OF THE  
ROYAL ANTHROPOLOGICAL INSTITUTE

VOL. LXXV. PART I. 1945

2  
DE MANDATO GENERALIS  
CONSILII CIVITATIS FAVENTIAE.



Ntiani præsideñ. regimini ciuitatis  
Fauentia pro. S.R.E. & Sanctiss.  
D.N. Domino Hadriano Papa sex-  
to uniuersis salutem. In uita mor-  
taliū nihil religiosius & fide ob-  
seruantius esse arbitramur, q̃ testi-  
monium ueritati perhibere. Illius  
nanq̃ testimonio additus mendacio præcluditur, &  
os iniqua loquentium obstruitur. Cū Reuerendis.  
itaq̃ ac Illust. dominus. D.B. Episcopus Ostien. Car-  
dinalis sanctæ Crucis, cui Ciuitas Fauentia sorte ad-  
ministranda euenit, nobis Reuerendis. præsulē Do-  
minum Zachariam Ferrerium Vicentinum Episco-  
pum Gardiensem in gubernatorē, ac moderatorem  
huius Ciuitatis delegasset, par duximus pro nostro  
officio regiminis sui aliquod testimonium præbere.  
Nouerint igitur omnes & singuli, ad quos presentes  
nostræ peruenerint literæ præsulem hunc Gardiē.  
qui Ciuitatis nostræ habenas per annum. cōtinuum  
salubriter, ac sapienter moderatus est, populum Fa-  
uentinum mira cum dexteritate, prudentia, integri-  
tate, & cum maxima omnium beniuolentia rexisse,  
& gubernasse. Is nanq̃ Reuerendis. antistes, in quo  
ueluti in speculo omnia uirtutū honestamenta con-  
spiciuntur, & omnis sacrosancti iuris amplitudo eni-  
tet ac splendet, iustitiam, & æquitatem seruauit,  
omnibus ius sanctissime dixit, cunctorum desyderia  
lubenter audiuit, lites mira cum dexteritate conpe-  
scuit, negocia cum magna prouidentia decidit. Eum  
nulla largitio, hulla gratia, nullaq̃ cupiditas trāsuo-  
rum trudit a recte consulendo, recteq̃ iudicando.

Malos, facinorososq; infectatus est, Bonos uero  
fouit, & extulit, Ciuitatemq; Fauentis summa cum  
prudencia in magnis rerum ac periculorū fluctibus  
pacatam, tranquillamq; conseruauit, quando San-  
ctissimi. D.N. aduentum in Italiam expectabamus,  
& non parua aderat populis peccandi licentia. Inter  
cetera uero quæ in eo fulgent uirtutū omnium or-  
namenta, illius temperantiam, & uiuendi normam  
exactissimam, uigilantiam, & in audiendo omnes  
patientiam incōparabilem non possumus non sum-  
mopere laudare, & cum tota eius domus ac familia  
sit bene instituta ciuitatem quoq; nostram optimis  
exemplis, & institutis condecorauit. Hæc igitur ad  
perpetuam rei memoriam, & laudatissimi, probatissi-  
miq; hactenus moderatoris nostri laudem, & cō-  
mendationem scribenda, ac omnibus significanda  
censuimus: quoniam hic insignis pater Episcopus  
Gardien. doctrina, & moribus illustris bene mere-  
tur, ut omnes de se quamoptime mereantur, ob idq;  
populum hunc Fauentinum summo officio, amici-  
tia, & beniuolentia, & summa in se obseruantia si-  
bi in perpetuum deuinxit. In quorū omnium & sin-  
gulorum robur, fidem, & testimoniū præsentis no-  
stras per infrascriptum cancellarium nostrum fieri  
mandauimus cum impressione maioris sigilli com-  
munitatis nostræ. Dat. Fauentis in Camera uiridi  
palatij populi nostræ solitæ congregationis. Anno  
Domini. M. D. XXIII. Die autem duodecimo  
Mensis Martij, & hoc de mandato generalis con-  
siliij eiusdem Ciuitatis Fauent. &c.

Camillus Citadinus Cancell. man-  
dato subscripsit.

Petrus Pritellus. V. Cancell. man-  
dato subscripsit.

# DE REPARANDA MYSTICA DO.

mo Dei, Zachariæ Ferrerij Vicentini Pontificis  
Gardien. Fauentiz & Vallis Hamonis gu-  
bernatoris ad Beatissimū patrem Ha-  
drianum. VI. Pontificem Maximū  
Suaforia: quæ inscribitur, Tu es  
qui uenturus es, an alium  
expectamus?



**P**TABAM Vel mare transce-  
re, uel alpes transcendere, diffici-  
liq; a longo itinere Hispaniæ fi-  
nes penetrare, ire & uidere uisio- *Exod. 3.*  
nem hanc magnam, signum hoc, *Isai. 5.*  
quod dominus leuauit in nationi-  
bus, uerbum hoc, quod in te Ha- *Luc. 2.*

driane pater beatissime fecit, & ostendit nobis, se-  
cissimq; uoto satis: ni diutino obitæ apud Sarmatas  
apostolicæ legationis labore fessus (cum ex illis re-  
gionibus longissimo terrarū tractu nuper me in ur-  
bem contulerim) quiete, ac respiratione pro corpo-  
ris debilitate indiguissim, moderandæq; Fauenti-  
næ Ciuitatis, & Vallis Hamonis onus meis hume-  
ris a patribus impositum suscipere cōpulsus essem.  
Verum quod absens, & infirma caro sui præsentia  
nequit promptus spiritus epistolia non refugiet. Vi-  
di quod sapiens ille scribit, Cor regis in manu Do- *Prohe. 21.*  
mini, quocunq; uoluerit uertet illud, si unquam pri-  
scis temporibus adimpletum est, in hac de te ad  
summum pontificatum prouectione nostra tempe-  
state locum sibi uendicasse, quandoquidem multis  
diebus, ac noctibus, in ancipiti positi patres, ac quen-  
nam in uerum Christiani populi pontificem in de-  
mortui locum sufficerent diu animo uoluentes te

unum (non modo absentem) sed & longe in orbis  
 limitibus positum nil ad id aspirantem, nil prorsus  
 de ea re cogitantem post varias, diuturnasq; disce-  
 pationes uno (ut ita dicam) momento in Christi  
 Vicarium, & Petri successorem præter humanam  
 spem omnem procul ab omni labe mundissime ele-  
 gerunt. Quod sicut non ab hominibus, sed a Domi-  
 no factum esse liquido apparet, ita non nisi magni  
 quicquam prælagire coniectamus. Arbitramur enim  
 summum rerum opificem nostri haud immemorem  
 tot quæ religioni incumbunt discriminibus, tot fe-  
 re alias inauditis malis, tot periculis, tantæ qua ob-  
 uersamur clamitati, tantæ demum iniquitati, quæ  
 hodie frigescente charitate passim abundat, & do-  
 minatur te opportuno obijce occurrere uoluisse.  
 Quod ut fiat ipsum omnipotentem Dominum sup-  
 plices deprecamur, Expectamus quippe diu pro in-  
 stauranda Hierusalem hac mystica, quæ sua uetu-  
 state attrita & corrosa ruinam minatur, angelicum  
 Pontificem aduenturum. Tu es qui uenturus es, an  
 alium expectamus? Si tu is (quod absit) non es, qui  
 ita mire ad hoc ministerium assumptus es, non assu-  
 mens tibi honorem hunc, sed uocatus a Deo tan-  
 quam Aaron, quem amplius expectabimus? Quem  
 præstolabimur? Si tu Hierusalem hanc ingrediens  
 facto flagello e triplici illo funiculo fidei, spei, & cha-  
 ritatis, qui difficile rumpitur non effcis ementes, &  
 uidentes columbas de templo Domini quis alter  
 effciet? Si tu diuturnis dissidijs, ac intestinis bellis  
 discerpam, diuisamq; ciuitatem dei hanc non con-  
 nectis, & auctore domino non refarcis, non conso-  
 lidas, ut sit unum ouile, & unus pastor, quis alter  
 refarciet, quis alter connectet, quis alter consolida-  
 bit? Si tu fines eius pacem non ponis, & adipe fru-

*Psal.* 117.

*Matt.* 24.

*Matth.* 11.

*Hebr.* 6.

*Ioan.* 2.

*Eccles.* 4.

*Ioan.* 10.

*Psal.* 146.

mēti salutaris doctrinæ (ut prisci & sancti olim Pon-  
 tifices consuevere) eam non satias, non pascis, quis  
 alter ponet, quis alter pascet, quis alter satiabit: quia *Tren. 4.*  
 paruuli eius petierunt panem, & non est qui fran-  
 gat eis? Si tu insatiabilem lupum turcarum tyran-  
 num, qui cruento rictu tot Christi pecudes quotidie  
 dilaniat, deuorat, deglutit, absumit, & non modo  
 ianuas nostras, sed & domos iandudum intrauit nō  
 coerceas quis alter coercebit? Si perimendo in eo  
 errorem ac suscitando fidē quę perire domus Israel *Matth. 15.*  
 oues nō quæsieris, quis alter quæret? Si tu filiæ Sion  
 Orientali Ecclesiæ ablato caluitio capitis sui bal- *Esa. 3.*  
 theum & mitram decoris non restituis quis alter re-  
 stituet? Si tu positus nunc a Deo super gentes & re- *Hier. 1.*  
 gna non euellis, non destruis, non ædificas, & plan-  
 tas, quis alter tot hæresum & schismatum sentes, ra-  
 dicesquē euellet? Quis alter tot uitia, tot abusus in *Apoc. 22*  
 Ecclesia destruet, ædificabitquē Hierusalem ciuita-  
 tem nouam, & plantabit in ea uirtutum pulchritu-  
 dinem, pietatem, religionem, & nouum hominem,  
 qui secundum Deum creatus est? Si tu malis arti- *Col. 3.*  
 bus aucupantes, occupantesquē sibi sacerdotium, &  
 cathedram inextinguibili dominandi cupiditate, ac  
 tyrannide percitos, tantaquē ambitione assumentes  
 sibi honorem, & potestatem tanquam filios Chore *Num. 16.*  
 flamma diuinæ ultionis non consumpseris, quis al-  
 ter Moses consumet? Quis alter hos pseudo sacer-  
 dotes a seip̄s uenientes, & non a Deo missos e do-  
 mo domini eliminabit? Si tu non es sanctum illud, *Mal. 3.*  
 mundum, & immaculatum instrumētum, per quod  
 conflagans, & emundans argentum purgabit domi-  
 nus filios Leui, & colabit eos quasi aurum, & quasi  
 argentum, ut sint offerētes domino sacrificium in ius-  
 titia, quod aliud iam futurum immorabimur, expe-  
 ctabimus?

- T**Vergo es qui uenturus es, quem boni, & electi Dei homines diu præstolantur, an aliū expectamus? Super flumina Babylonis huius, quæ ætate nostra est, iandudū sedimus, & fleuimus dum recordaremur illius Sion: quæ in primordijs suis tam pura, tam sincera, tam speciosa fuit, ut omnium credētium esset cor unum, & anima una in domino, ut nemo quæreret quæ sua sunt, sed quæ Iesu Christi: quæ tantum ab omni humana cupiditate libera erat: ut nemo etiam quicquid proprii diceret, sed essent eis omnia communia. Vere Sion quæ de alto diuinæ illuminationis fastigio inferiora hæc caduca, & momentanea speculans, hicquæ ciuitatem permanentem se non habere perspectans futuram quæsiuit æternam, & immarcescibilem in cœlo. In salicibus amaritudinis, & tristitiæ in medio eius suspendimus organa nostra, quoad mittatur qui mittendus est, quoad in tenebris nunc & in umbra mortis cæcuentes oculi nostri uideant salutare tuum Domine: quod parasti ante faciem omnium populorum. Expectamus Pontificem sanctum, qui abolito mœrore organa nostra soluat, ut cantemus de canticis Sion: qui fugatis tenebris oriatur nobis uti splendor gloriæ æternæ, & lucerna ardens, ut luceat lux eius coram hominibus, et uideant bona opera eius, ac glorificent patrem qui in cœlis est. Tu sacerdos sanctæ, tu Pontifex beatæ, tu antistes tam mire electe, es qui uenturus es, an alium expectamus? Ita enim hodie in profunda omnium malorum deuenimus: ut nisi dominus supernæ gratiæ, ac spiritualis renouationis in te saltem semen nobis reliquerit quasi Sodoma, & quasi Gomorra futuri simus. Iam enim nouit tua. B. iam reges terræ, & omnes populi, iuuenes, &
- Psal. 136.*  
*Act. 4.*  
*Hebr. 13.*  
*Psal. 137.*  
*Luc. 2.*  
*Psal. 136.*  
*Matth. 5.*  
*Esaï. 1.*



uirgines, senes cum iunioribus nouere, & a quattuor  
 uentis terræ nemo est qui ignoret abhominatiōē  
 desolationis, quæ dicta est a Daniele propheta stan-  
 tem in loco sancto. Mihi quidē infelici sacerdoti *Mat. 24.*  
 dum legationem sarmaticam agerem audiuisse, ut-  
 disseq; contigit quæ non modo dicere, (uerū, & co-  
 gitare erubescō) de nobis sacerdotibus: qui mandu-  
 camus panem doloris: qui abrasum uerticem, bico- *Psal. 126.*  
 nem infulam, & candidissimum linum frustra gesta-  
 mus: qui cum habitum, ea insignia: quæ mundi huius  
 contemptum, quæ mentis mundiciam, quæ sanam  
 doctrinam, ipsiusq; integritatis apicē in nobis præ-  
 ferunt, non ad spiritum qui uiuificat, sed ad litteram *2. Cor. 3.*  
 quæ occidit transtulimus. Hoc me acrioribus sti-  
 mulis ad scribendum, & ne sim canis mutus, ad la- *Esa. 56.*  
 trandum pro domo domini cōpellit. Vereor enim *Tren. 4.*  
 ne obscuratū sit aurum, mutatus sit color optimus,  
 ac dispersi sint lapides sanctuarij in capite omnium  
 platearum, & sicut populus, sic & sacerdos. Hinc  
 oriuntur schismata, hinc hæreses, hinc scandala in ec-  
 clesia dei, nec grex pastoribus, nec pontificibus prin-  
 cipes parēt, nec sacerdotes ueneratur populus. Hinc  
 exeunt monstra, immundaq; animalia aper de syl-  
 ua, & singularis ferus ad depascendum uineam do-  
 mini Sabaoth. Hinc aperuit, & in cœlum posuit lu- *Psal. 76.*  
 teum os suum impia bellua Martinus Luterus, uipe-  
 rea q; cauda sequela suorum magnam partem stel- *Apoc. 12.*  
 larum in Germania, in Sarmata, in Pannonia detra-  
 xit in terram. Id ego ipse his oculis perspexi, quum  
 immēso propemodum labore erroneas traditiones  
 illas, quæ plurimorum mentes infecerant e Sarmat-  
 ia, & ex contigua quæ Regno Poloniæ adiacet Ger-  
 mania uix eliminare potui. Testis est dominus, cu-  
 ius oculis omnia nuda, & aperta sunt quantum con-

- tra portentum hoc reluctari oportuit, quibusue vitæ periculis pro ea peste procul efficienda a me insu-  
 1. Cor. 15. datum, & decertatum est. Benedictus autem deus:  
 Psal. 71. qui dedit nobis uictoriam per Iesum Christum. Be-  
 nedictum quoque nomen maiestatis eius in seruo suo  
 Apoc. 3. Sigismundo Sarmatiæ Rege religiosissimo, inuictis-  
 simo: qui uti columna solida in templo domini nul-  
 lis unquã, ut dogma illud luterinum & luteum per  
 regnum tacitus diuagari sineret, aut toleraret malo-  
 rum hominum uerti, concutiq; persuasionibus po-  
 tuit. At sicut Christianissimo principi par erat ual-  
 lum pro religionis syncritate se fecit, & scutum  
 Ephe. 5. pro S.R.E. se opposuit. Hoc sane dico: quoniã dies  
 mali sunt. Hoc de nobis sacerdotibus aio: quoniã  
 si nosmetipsos dñudicaremus non utiq; dñudicare-  
 mur. Videamus nos qui sal terræ teste domino su-  
 1. Cor. 11. mus, an forte sal infatuatum simus. Videamus si cõ-  
 Matth. 5. scientia hæc quam nobis fecimus secundum deum,  
 Pet. 2. an secundum hominem sit.

*Malorum sacerdotum & ministrorum electio.*

2. Mach. 4. **Q**uærit hodie & prece & precio quisquã sa-  
 cerdotium, & cum Simone in ciuitate do-  
 mini uirtutum iniquũ aliquid molitur. Ca-  
 ro & sanguis alteri (& aliquando puero: ut ueh, sit  
 Eccle. 10. terræ cuius princeps puer est) nonnunq; piorũ mo-  
 rum & sacrarum litterarum ignaro sacerdotium tri-  
 buit, & pontificatum, tunicam præbet, ac coronam  
 in capite sacerdotalem. Is inertem, ociosam, in scan-  
 dalumq; pusillorum impudicã, cupidam, & ambi-  
 tiosã uitã ducit, & interdum etiam scientiæ gna-  
 Luc. 12. rus sciens uoluntatẽ domini sui, & non faciens, ut  
 plagis uapulet multis se dignum gehenna efficit, nũ-  
 meroso hominum potiusquã uirorum stipatus famu-  
 latu dilatat philacteria sua, & magnificat simbrias,

amat primos accubitus, & primas cathedras, salu-  
 rationes, & uocari Rabbi, quodq; deterius, & ma- Matt. 23.  
 gis deſtendum eſt: duo, tria, quattuor, pluraq; ſacer-  
 dotia plures eccleſiæ (ut una ſit ſponſa, reliquæ con-  
 cubinæ) plura etiam cœnobiaz, & xenodochia (ac ſi  
 deſint ſacerdotes) uni ſacerdoti & antiſtiti, qui nec  
 ſuo nec etiam alterius præſulis ſuffragio ſacra ibi mi-  
 niſtrat, ſaut ſacris inſeruit regenda traduntur, ſeu ut  
 curiali utar uocabulo cōmendantur. Quale eſt hoc  
 ſacerdotium? Qualis iſ pontificatus: qui prætermiſ-  
 ſa populi & gregis ſui cura ſolis terrenis colligendis  
 fructibus, ſolis diuitijs carnalibus, ſoli externæ glo-  
 riæ innititur: internam autem nec cogitat, nec ani-  
 maduertit, quū ſacra inquit ſapientia: Omnis glo- Pſal. 44.  
 ria eius ſibiæ regis ab intus? Et iterum. Hęc eſt gloria 2. Cor. 1.  
 noſtra teſtimonium conſcientiæ noſtræ? Videamus Matth. 6.  
 ne lumē hoc, quod in nobis eſt (uel potius apparet) 1. Theſ. 5.  
 tenebræ ſint, dum pompis his carnalibus intenti ſpi-  
 ritum ita extinguimus. Hoc eſt quod nos monſtra,  
 & portenta, & oſtenta pñs mentibus facit, & lin-  
 guas ſerpentium hæreſiarcharum in eccleſiam dei  
 acuit. Hinc uiperea ſibila Luteri, aliorumq; pene in- Pſal. 139.  
 numerabilium ſerpentium in ſacerdotes inſurgendi  
 ſibi occaſionem naſta ſunt: cum iam abeunte ſpiritu  
 qui uiuificat, & remanente littera quę occidit, carna 2. Cor. 3.  
 les, & non ſpirituales adeo ſimus: ut iam ceciderit co-  
 rona capitis noſtri (gloria inquam illa, de qua uas Tren. 5.  
 electionis, & apoſtolicus concionator ait. Mihi au- Gala. 7.  
 tem abſit gloriari niſi in Cruce domini noſtri Ieſu  
 Chriſti.) Hic ſacerdotium, hic ara, hic uictima, hic  
 holocauſtum eſt. Surge Hadriane ſumme ſacerdos  
 (ſi tu es qui uenturus es & non alium expectamus)  
 ſurge, induere fortitudine brachium domini, & uenti Eſai. 51.  
 labro quod manui tuæ datū eſt purga arcem Chri- Matth. 3.

sti, congrega triticum, disperge paleas, expelle mon-  
stra hæc de agro domini, explode luem hanc de do-  
mo Petri, elimina scādalum hoc de plebe dei, iamq;  
**Apc. 21.** sonet uox illa in auribus nostris: Ecce noua facio  
omnia.

*Gaudium ecclesie in aduentu pontificis & spe reformationis.*

**A**Duentum tuū in Italiam præsul beatissime  
supplicibus uotis hucusq; præstolati sumus,  
ubi sedes tua est, ubi sponsa tua Christi ec-  
clesia, quanquam per uniuersum orbem diffusa Ro-  
mæ tamen in beati Petri apostoli principatu uirtu-  
te quadam peculiarius congregata, dulcissimarum  
epithalamio nuptiarum, tuisq; amplexibus fruitura,  
**In lectulo meo per noctes** (aiebat) quæsiui quem di-  
**Gaie. 3.** ligit anima mea, quæsiui illum & non inueni. Sed  
hoc hæctenus. Nunc uero postquā te uicinum agno-  
uit, temporisq; paululum cum pertransisset. inueni  
(inquit) quem diligit anima mea, tenebo eum, nec  
dimittam, donec introducam in domū matris meæ,  
& in cubiculum genitricis meæ synagogæ, in sanctę  
illius terræ Christi sanguine consecratę possesio-  
nem, ac ciuitatis Hierusalem, ubi regis nostri sepul-  
chrum est recuperationem: quam subiugata a filio  
liberę ancilla Agar maumethica impietate tuo sub  
pontificatu futuram speramus. Iam profecto post-  
quam italicis oris appulisti audire uideor inter can-  
tica illa Salomonis suauissima mysticam tuæ spon-  
**Can. 5.** sę uocem insonuisse, Dilectus meus misit manum  
suam per foramen, & uenter meus intremuit ad ta-  
ctum eius. Iam per foramen (per foramen inquam  
**Math. 7.** acus) per angustam & arctam uiam deducentem  
**Rhilo. 5.** ad salutem tua sancta conuersatione, quæ in cœlo  
**Eccle. 26.** est, & uniuerso orbi cognita Hadriane dei sacerdos  
maxime manum tuam misisti ad fortia. Iam ex ope-

ribus iustitiæ quæ ab ineunte ætate tua, & facere,  
 & docere cœpisti senescens ecclesiæ instaurationem,  
 ac inuolutionem præ foribus assidere præsa-  
 gimus, & mox affuturam coniectamus. Ideo ad ta- Ios. 2.  
 ctum tuum uenter eius intremuit: quoniam te san-  
 ctam ciuitatem ingrediente, & flagello salutaris ca-  
 stigationis ementes & uendentes de templo domi-  
 ni te efficiens, ac mensas numulariorum, & cathe-  
 dras uendentium columbas te euertere cōmoue-  
 tur Christiana uniuersitas tibi desponsata dicens.  
 Quis est hic? Tu es qui uenturus es, an alium expe-  
 ctamus? Contremuit uenter eius in tui uenerationē:  
 quem ita sancte, ita munde, ita mire sine quopiam  
 prorsus contagio ad hunc apicem electum, & uirtu-  
 tibus omnibus redimitum, ac præditum perspicit,  
 contuetur, admiratur clamans, Osanna, Benedictus Math. 23  
 qui uenit in nomine domini.

*Non consanguineis, non petentibus, non curren-  
 tibus danda sacerdotia.*

**B**enedictus profecto qui uenit in nomine do-  
 mini, Si tu es qui uenturus es, & nō alium ex-  
 pectamus. Si tu tanquā alter Melchisedech Hebr. 7.  
 summus altissimi dei sacerdos, rex pacis, sine patre,  
 sine matre, sine genealogia is es, cui caro & sanguis Matth. 6.  
 nō reuelauit Christum filium dei uiui, sed pater qui  
 in cœlo est, & non secundum carnem, sed secundum Rom. 2.  
 deum in pontificem creatus facta carnis ita mortifi-  
 cata penes te ostenderis, ut non consanguineis, non  
 affinis, non currentibus, non petentibus, nō qua-  
 rentibus, nō ambientibus, sed uocatis a deo, qui be-  
 ne præsumt, & laborant in uerbo & doctrina uasa ta Hebr. 5.  
 bernaculi dei nostri, sacerdotia, altaria, insulas credi 1. Tim. 5.  
 deris, & non homini cuiquam, sed ecclesiæ, & plebi  
 dei nostri consulendum duxeris.

*Non sint hereditaria sacerdotia.*

**B**enedictus qui uenit in nomine domini, si absum hunc de ecclesia excludas, ut in filios, in nepotes, in cōsanguineos iure quasi quodam celsionis hereditario nullatenus ammodo trāseant sacerdotia, pontificatus, magistratus: sed omnibus bonis sacrarum litterarum pericia, ac uirtutum decore præstantibus uiris, uocatisq; & non a se uenientibus, quos de uniuerso christiano orbe penes te pater Beatis. in scheda descriptos habeas sint cōmunia, hocq; ueluti quodam uirtutis præmio ad bene merendum excitentur animi, qui hac hereditaria sacrorum munerum in posteros, & suos transmissione ita hodie tepe facti sunt: ut aīsequendi brauū spe iam destituti a bonarum artium disciplinis, a sacris litteris, & (quod deterius est) a bene & beate uiuendo uti scandalizati & desperati penitus torpeant, & dormitent: qui si de labore potiundæ a te mercedis spes firma supersit tanquam a longo somno perciti, ad uirtutes, ad litteras, ad ingenuos mores mox se conuertent, & quorum hodie penuria tanta est, pro patribus tuis nascentur tibi filij: quos cōstituas principes super uniuersam terrā. Vix enim sacerdotum aliquod traditur, ut iam in quo illud ex agnatis collocent impetrata etiam regrediendi facultate, ne de posteritate aut domo excidat, nostrę ætatis sacerdotes & pontifices prohi dolor excogitarint, ingentemq; ob id pecuniarum summā profundere haud recusent, & pertimescant.

*Doctrinam & Verbum Dei.*

2. Tim. 2.

Ecclesia.

stici. 48.

**B**enedictus qui uenit in nomine domini: si uerbum dei alligatum, & adulteratum non pati-  
tere: sed assurgas sicuti Helias propheta qua-  
si ignis, & uerbum tuum quasi facula ardeat, mit-

rasq; in mundum uniuersum predicare euangelium, *Marc. 16.*  
 emittas (inquam) uerbum & liquefacias corda im- *Psal. 147.*  
 piarum gentium, hereticorum, schismaticorū: quorū  
 hodie semina passim iactata, & sparsa cōspiciuntur.

*Bonorum sacerdotum & ministrorum electio.*

**B**enedictus qui uenit in nomine domini, si gre- *Luc. 2.*  
 gem domini pastoribus, qui custodias noctis  
 super eum agant, & a lupo tueantur, ecclesias  
 pontificibus, qui potentes sint opere & sermone, & *Tit. 1.*  
 exhortari in doctrina sana, animamq; suam pro oui- *Iean. 10.*  
 bus ponant, & non mercenarijs, Cœnobია sanctis  
 monachis, ac religiosis uiris, qui sua, & aliorum pec-  
 cata defleant, deum die noctuq; laudent, pro popu-  
 lo orent, interueniant, interpellent (pro quibus &  
 fundata, & dotata sunt) & non militibus, non mer-  
 catoribus, non uenatoribus, non lenonibus, non hi-  
 strionibus tradideris, sponsumq; una cum sponsa ec-  
 clesia, & non cum adultera aut concubina (ut te fa- *Roma. 7.*  
 cturum sancte antistes ingenue speramus) inhabita-  
 re compuleris, ut gaudeat sponsus super sponsam, &  
 non uocetur ultra derelicta, desolata. *Esa. 62.*

*Purga Romam purgatur mundus.*

**B**enedictus qui uenit in nomine domini: si auari-  
 tiæ & cupiditatis immensam propemodum uo-  
 raginem, qua curiales nostri hodie immerguntur, ua-  
 ramq; lucrandi artem, quæ Romæ passim domina-  
 tur, & in postulatis, spiritualibusq; gratijs impetran-  
 dis nescio quas pecuniarias compositiones, seu ex-  
 pilationes procul ab urbe exploseris, impudicitias  
 sacerdotum, quæ uulgo etiam in pusillorum scanda-  
 lum adeo notæ sunt, ut iam tegi minime possint lon-  
 ge a sancta ciuitate exulare iusseris, ut resectis olenti-  
 bus, ac pungentibus, & nocuis herbis Roma hortus  
 sit, & paradysus (ut par est) spiritualium deliciarū,

L. P. 2.

ac ciuitas sacerdotalis, inhabitetq; in ea genus electum, regale sacerdotium, gens sancta. Porro cum Romana ecclesia sit caput, mater, & magistra omnium ecclesiarum, ea infecta & reliquæ facile inficiuntur ecclesiæ, & ea purgata, præclarisq; uirtutibus, & moribus instaurata, reformata reliquæ instaurantur, reformantur ecclesiæ. Purga Romam purgatur mundus. Instaura, reforma Romã instauratur, reformatur orbis uniuersus, destruuntur hæreses, dissoluentur sectæ schismaticæ, supplicia colla, reges & principes submittent pontificibus, lunaq; (ut decet) soli obsecundabit. Nil enim (ut arbitror) ipsos principes ad sponte obtemperandum pontificibus magis allicit, trahit, & impellit, quàm uita sancta, uita immaculata. In ea enim non in auro, & argento, terrenisq; opibus religio nostra, pontificatusq; & sacerdotij uirtus, ac robur firmantur, solidantur, Nolite (inquit) apostolus conformari huic sæculo: sed reformamini in nouitate sensus uestri. Et iterum, Nemo militans deo implicat se negotijs secularibus: Et in carne ambulantes non secundũ carnem militamus. Nam arma militiæ nostræ non carnalia sunt: sed potentia deo.

ROMA. 12.

2. Tim. 2.

2. Cor. 10.

*Concordia inter Principes, bellum in turcas.*

Job. 25.

**B**enedictus qui uenit in nomine domini: Si tu rex pacificus faciens concordiam in sublimibus Christianorum regum arma, cordaq; mutuo nunc dissidentia inuicem reconcilias, cum triumphoq; ac uexillo crucis inuictissimæ in hostem religionis reflectas, conuertas, sacrumq; Imperium Orientale de immunda, ac tyrannica seruitute ereptum Christo offeras. Nihil enim omnino ambigo te una cum ea de qua memini piorum morum instaurazione, ac foelicissima in turcas expeditione uti lapidem angula-

sem



rem (instar Christi) cuius locū tenes, facturum utra-  
 que unum, Ecclesiamq; orientalem occidentali pro  
 culdubio connexurum fore. Nihil sane est quod ma-  
 gis opus hoc sanctū, faustumq; impediatur, nostrosq;  
 Principes discordes efficiant, quā ea peccata, illarū  
 iniquitates: quę inter Deum & nos diuiserunt, eiusq;  
 faciem iuxta prophetam absconderunt a nobis, ne  
 exaudiat, & prohibuerunt bonū a nobis: quoniam  
 in iniquitatibus nostris uenditi sumus.

*Postulatorum ratio.*

**H**ęc quanquam a tua. B. pro sua maxima in-  
 tēgri- tate, & sanctimonia fieri nequaquam  
 ambigamus: sed certo certius teneamus, idq;  
 omnes religiosi, & Christiani uiri sibi constantissi-  
 me polliceantur, nec a quopiam hominum ignore-  
 tur, hoc iam tui esse instituti, tuoq; animo firmissime  
 inhærere pater sanctissime, nunquam ue opus esse ti-  
 bi in ea re supplicare quicquam: in quam, non mo-  
 do sponte inclinaris, uerum & cor tuum omne, men-  
 tem tuam omnē penitus contulisti, tuq; longe me-  
 lius quā nos ipsi, quid nam in re Ecclesiastica agen-  
 dum sit sapientissimus noris: qui etiam in minoribus  
 constitutus contra sacerdotiorum pluralitatem, &  
 scripsisti, & probatissime inuectus es: at quoniam  
 & ipse supremus rerum conditor omnia sua infalli-  
 bili providentia agnoscens, nobisq; semper bene &  
 felicissime optans, ac quid nobis conducatur satius  
 admodum, quā nosmetipsi, sua diuinitate conspi-  
 ciens, de aliorq; perspectans, rogari tamen, obsecra-  
 ri, orari, atque (importune etiam) assiduis precibus  
 pulsari uult dicens. Oportet semper orare, & nun-  
 quam deficere, & pulsare & aperietur uobis, nō in-  
 decens, non absonum, nec me temerarium arbitror,  
 si te quoq; ipsius dei nostri in terris Vicarium in tan-

B

- to ac tam necessario opere rogauero, obsecrauero,  
 2. Reg. 19. oraucro, pulsauero. Zelo enim zelauī super domo  
 Israel, a tenerisq; unguiculis, quibus sacris inictatus  
 in ordine Ecclesiastico usque ad hanc ætatem Chri-  
 sto militauī nihil mihi optabile magis fuit, quā ui-  
 dere hunc diem, cumq; Pontificem: a quo Ecclesiæ  
 Sap. 8. reformationem sperare, & contueri possimus. Hanc  
 amaui, hanc concupiui a iuuentute mea, in eoq; ne-  
 gocio (si quid sum) prætermisissis Rachelis amplexi-  
 bus tibi antistes beatissime (immo Deo meo) non  
 septem modo annis, sed usque in finem uitæ cupiens  
 Gen. 29. anathema fieri pro fratribus meis pro Lia famula-  
 Rom. 9. turus ad sanguinis etiam, ipsiusq; uitæ effusionem  
 intrepide & inconcusse laborabo, inuigilabo, insu-  
 dabo, decertabo, dicam quoq; cum sone illo præstan-  
 Luc. 2. tissimo, Nunc dimittis seruum tuum domine secu-  
 dum uerbum tuum in pace.

*Verbis Fauētia triumphas & gloria*

- Gene. 18. **D**Enique postquam ausus sum alloqui te do-  
 minum meum Christum domini, cum sim  
 Fauētia puluis, & cinis, loquar adhuc, nec prætermi-  
 tam, quin pro populo tuo, & pro ciuitate tua hac Fa-  
 uentina, quæ pro seruantissimi patris Cardinalis fan-  
 Dan. 8. ctę Crucis uoto, a sacro. S. R. E. Cardinalium senatu,  
 meo regimini credita est apud tuam. B. pater san-  
 ctissime orem ac interpellem. Sicuti enim eos susce-  
 pi in filios, ita & pro eorum salute die noctuq; mihi  
 Gal. 4. inuigilanti dicere cum Apostolo necesse est. Filioli  
 mei quos iterum parturio donec formetur Christus  
 in uobis. Pro illis sane tuæ. B. Præsul clementissime  
 in hoc non possum preces non porrigere, ut quoniā  
 1. Pet. 1. contristati sunt in uarijs tentationibus, ita ut proba-  
 tio fidei suę multo præciosior sit auro, quod per ignē

probatur, sic apud tuam apostolicam celsitudinem inueniantur in laudē, et gloriam, & honorē reportantes finem fidei suæ. Bonū enim certamen certarunt, 2. Tim. 4. cursum cōsumarunt, fidem seruarunt. Cæteris enim pœne omnibus Flaminiae ciuitatibus tumultuantibus, hæc pace, unitate, ac in. S. R. E. deuotione firma semper, inconcussa q̄ permansit. Dum plures in circuitu eius urbes factionibus, dissidijs, seditionibus, cœdibus, depopulationibus operam impenderent, hæc paci, quēti, unitati, iustitiæ cultui, deuotæ q̄ ac syncerissimæ obedientiæ uacauit, & in medio ignis non est æstuat, ingenuèq̄ fatebor Fauentinum populum hunc (his potissimum temporibus quibus apost. sedes ac si uacans diu absuit suspicionum plenis) me non modo in dictatorem, sed in patrem habuisse, potiusq̄ uti parenti quā dictatori paruissē, obtemperasse, quanto uē magis cæteræ urbesurbationibus quaterentur hanc maiori semper cōcordiæ, in Apostolicamq̄ sedē, & in. S. R. E. deuotioni, ac fidei studuisse, insudasse, dignam profecto (quia 2. Timo. 2. legitime certauit) coronam a tua. B. percipere.

*Fauentia insignes dote, & præstantia.*

**F**auentia urbs inter cæteras. S. R. E. urbes memoratu non indigna est, non uulgaris, non obiter prætereunda, sed erga deum pietate, & Fauentia religione præclara: quæ diuino cultui, sacrisq̄ cærimonijs singulari affectu ac summo studio dedita est, ue rustate insignis, fide, & deuotione erga Principes (Romanos Pontifices præcipue) celebrata, acutissimis ingenijs in omni cum liberalium, tum aliarum disciplinarum genere (militiaq̄ potissimū) præstantissima: quæ philosophis, iureconsultis, uatibus, oratoribusq̄ spectatissimis, militaribus uiris, ac Re-

nus copiarum præfectis & castrorum ducibus bello pacique apertissimis & fuit, & est refertissima, situ amœna, fertilis agri planicie & apricis collibus frugifera, ac speciosa, ædificiis tam publicis quam priuatis egregia, mœnibus & aquis (quam Hamonis amnis præterfluit) munitissima, gentis nobilitate cõspicua, populosa admodum, ciuilis, iucunda, omnibusque politicis institutis ornatissima, & illa quidem urbs: quam tua amplitudo pater beatiss. sua clementia, sua benignitate, & gratia peculiari inter ceteras Flaminie urbes complecti debeat, & teneatur, uereque Fauentia: cui largitione & immunitatibus a. T. B. merito fauendum sit.

*Fauentia portus fluctuantis Flaminie.*

**H**Æc cæteris urbibus uasta factionum tempestate fluctuantibus naufragorum portus, miserorumque ac oppressorum, qui ad ea confugerent, in eaque tuti, quieti, ac securi adhuc degunt, perfrugium, solatium, iuuamen, & tranquilla requies fuit. Tot enim ex omni pœne prouincia in hac turbatione ad eam conuenere cum uiri tum mulieres, in eaque gratum domicilium elegere, ut earum omnium ciuitatum Colonia dici possit.

*Fauentia ab omni contagio libera.*

**H**anc inter tot ignes ambustam, inter tot scopulos & circûruentes procellas tutam, inter tot sentes illæsam, inter tot tumultus pacificam, inter tot strepitus, quietam, inter tot dissidia unitam, concordemque, inter tot cædes, depopulationes, rapinas innocuam, inter tot defectiones fidelis, deuotam, demumque inter tot scelestas facinora, quæ in circuitu eius patrata sunt, mundam, illibatam, inemeratamque fauente domino tue. B. reddo, trado, & supplex offero.

*Postulatorum finis et scopus.*

**H**Æc me quanquam rudi planoq; dicendi ge- 1. Cor. 13.  
nere (summo tamē affectu) ea charitas, quæ  
non quærit quæ sua sunt, & non in sapientia 1. Cor. 2.  
uerbi, neque in sublimitate sermonis: sed in sapien-  
tia dei in mysterio scribere compulit. Neque me te-  
merarium arbitratus sum si pontifex, & apostolici  
sacerdotij grauatus onere uerear ne forte cum illo  
propheta cogar quandoq; dicere, Veli mihi, quia Esa. 6.  
tacui. Domus enim hæc mystica spiritualisq; ita ho-  
die terrestris affecta est: ut ni spiritu reparetur, & 2. Cor. 5.  
istauretur pene dissolui, pene ruinam minari uidea-  
tur. Et si tu maxime dei sacerdos in illam, quam do-  
mum dei decet sanctitudinem (ut certa nobis spes  
est) Christo duce eam restitues, Tu gloria Hierusa- Psal. 92.  
lem, tu leticia Israel, tu honorificentia populi nostri. Indit. 15.  
Gloria Libani dabitur tibi, decor Carmeli, & Sa-  
ron. Tunc salient in deserto aquæ, & torrentes in so- Esa. 35.  
litudine. Vbi dracones habitant orietur uiror cala-  
mi, & iunci, & erit tibi semita, & uia sancta uocabi-  
tur. Non transibit pollutus per eam. Nō erit ibi leo,  
& mala bestia non ascendet per eam.

## DE MODERANDA TEMPORALI

*Ecclesie ditione perbreuis suaseria: que insinuitur:*

*Non habemus hic ciuitatem permanentem.*



ostquam de his quæ ecclesiæ spi-  
ritui conducant tibi tanquam diu-  
norum summo antistiti præsul san-  
ctissime pro meo officio silendum  
nequaquam duxi, non prætermi-  
tam quoque de temporali ecclesiæ

dote, ac subcinericio pane: quo usque ad montem 3. Reg. 19

Del Oreb temporaliter subsistere possit: quid sentiam breuissime aperire. Et quanquā quanto a terrenis peculijs, corruptibiliq; humanarum rerū possessione libera magis est tāto deo uicinior sacerdotalis uita & cōsuetudo fiat, longeq; beatius sit, si spiritualibus diuinisq; rebus fixa tantummodo inhæreat, q̃ inferioribus curis inuoluatur: quoniā non habemus

**Hebr. 13.** hic ciuitatem permanentem, sed futurā inquirimus: at quoniā id humana imbecillitas sibi facile persuadere nequit, sanctorumq; patrum authoritas id uel inusum duxit, uel potius tolerauit, os in coelum nequaquam ponam, neque patribus meliorem me existimabo.

*Differant sacerdotes a laicis in dictatura.*

**C**Um itaque provincias, urbes, terras, oppida, castraq; possideat ecclesia, ita per hæc temporalia bona transeundum est, ut non amittamus firma, perpetua, æterna in coelo, sintq; tanta seruitute spiritui obnoxia, ut ei famulentur nō dominentur, sint in ædificationem, non in destructionem.

**2. Cor. 10.** Populos enim innumeros subditos habet temporalis ecclesiæ authoritas sic: ut præ multitudine dinumerari nequeant: sed ut sacerdotum, & secularis potentie magistratus (ut decet) inuicem longe differant: illi populis dandi sunt dictatores, moderatores, rectores, iudices: qui ab omni cupiditate, & tyrannide immunes, populos non uti seruos aut mancipia, sed uti filios paterno affectu moderentur, & diligant, eis uti parētes æqua lance ius dicant, ipsos magis charitate & humanitate, quā imperio ad fidem, ad iustitiæ censurā, ad obedientiam alliciant, seq; & munditię & integritatis speculum illud exhibeant: in quo omnem bene beateq; uiuendi normā populi intueantur, contemplantur, admirentur. Hoc

est beatissime pontifex (ut tua maxima providentia  
 nouit) quę magis quàm armata, militariſq; manus,  
 aut uirga ferrea populos (ut plurimum) regit, do-  
 mat, ſubijcit. Nam ſuper filios temporalis ditionis  
 tuę nonnullis in locis tot tantaq; grauamina, tot quę  
 ſtorum expilationes, tot ad perſoluenda militibus  
 ſtatuæ equorum inſupportabilia onera excreueret  
 ut niſi computreſcat iugum hoc a facie olei clemen-  
 tię tuę uix tranquillitate aliqua frui poſſint. Quā- Eſa. 10.  
 obrem cū omnes hi filij tui uti Moſem alium adeo  
 miſſum, quo ab hac ſeruitute eripiantur diu te in ſi-  
 lentio & in ſpe præſtolati ſint, in te ſpem omnem Eſa. 30.  
 iecerint, tuum eſt clementiſſime paſtor confortare Eſa. 35.  
 manus diſſolutas, & genua debilia roborare. Hæ  
 ſunt ſupplicationes meę, hæc poſtulata, mea: quę  
 in tuo hoc in Italiam ſelicifſimo aduentu mihi (imo  
 populis tuis) benigne annui, præſtariq; enixiſſime  
 oro. Quicquid tamen dictū eſt id tuę pater beatiſſe.  
 ſanctęq; dei eccleſię cenſurę, ac iudicio poſt bea-  
 torum pedum oſcula ſupplex & deuotus ſubijcio.  
 Dat. Fauentiæ pridie Cal. Septemb. M.D.XXII.  
 ſuſcepti a te apoſtolatus anno primo.

Auræ terrigenis ætas, & ſancta redibunt  
 ſæcula, ſi ritus hos pia Roma tenes.

080.1-5

2